

建功德普濟眾生因緣經卷之六  
利潤生死蒙恩救護之功功德第五勤而行之獲福無量

太上洞玄靈寶業報因緣經卷之六

太上洞玄靈寶業報因緣經卷之七

功德品第十六

大慈大悲普濟真人以業報因緣請問太上爾時太上道君告普濟曰吾昔於赤明劫初在南丹洞浮開陽上觀火鍊池邊與

元始天尊大會說法廣度諸天時四梵天王將諸眷屬無量國人嚴持香華供養三寶

元始上師并聽法諸聖各住一面

元始以此因緣即放眉間千種光明徹照十方無量國土普使聞知同來就會廣闡靈音

遍以功德利益眾生是時東方世界九炁天君將諸眷屬無量國人來到會中住其東面

建十法座百寶莊嚴九光靈蓋十絕靈幡青旌青拂青梅青柶神龍鼓樂圍繞左右燒香

散華九光靈燭四明神燈巨億萬計照耀於前南方世界三炁天君將諸眷屬無量國人

來到會中住其南面建十法座萬種莊嚴三

明之蓋六合神幡朱旗朱節絳席絳柶九鳳

丹絃圍繞左右燒香散華華燭四照蓮燈八開巨億萬計輝煥於前西方世界七炁天君

將諸眷屬無量國人來到會中住其西面建

十法座七寶莊嚴四轉靈幡十回仙蓋素帶

皓旗玉牀瓊席白虎鏗鐘圍繞左右燒香散

華霄燈八焰雲燭九光巨億萬計煥赫於前

北方世界五炁天君將諸眷屬無量國人來

到會中住其北面建十法座五色莊嚴八道

靈幡七明仙蓋阜旆玄塵羅紋錦席玄武擊

磬圍繞左右燒香散華燭千華燄燈萬烟

巨億萬計燦爛於前東北世界始青天君將

諸眷屬無量國人來到會中住其方面建十

法座皆以碧玉莊嚴碧霞飛碧雲靈幡翠

六七

二

華幡華幢華節華栴華席玉女鼓樂圍繞左右燒香散華浮焰星散流光華飛巨億萬計灼爍於前西北世界始玄天君將諸眷屬無量國人來到會中住其方面建十法座皆以衆寶莊嚴輪天飛蓋舍景靈幡紫旆紫麾綠栴綠席金童奏樂圍繞左右燒香散華龍燭萬焰燭燈千照巨億萬計散亂於前上方世界上天君將諸聖衆無量天仙來到會中住其前面建十法座萬寶莊嚴萬色華幡萬星蓮蓋龍旗鳳節雲錦霜羅天樂滿空圍繞左右散華燒香華燈萬焰燭千光不可稱計。通滿於前下方世界下元天君將諸眷屬無量國人來到會中住其左右建十法座黃玉莊嚴空明飛蓋百轉靈幡珠旗玉旆錦帟華幡飛天奏樂圍繞左右散華燒香金燈萬照瓊燭千明巨億萬計晃朗於前十天齊到百寶莊嚴內外光明照耀天地於是元始乃命慈惠真人妙覺真人慈惠真人惠相真人明解真人善覺真人慈念真人智觀真人慈愛真人常樂真人登東方法座慈觀

真人等救真人空惠真人寶相真人玄覺真人空明真人國寂真人等相真人慈明真人耀靈真人登南方法座景虛真人平等真人大慈真人好生真人景上真人等曜真人靜惠真人智明真人妙惠真人明虛真人登西方法座明皇真人照理真人普度真人至極真人慈覺真人金房真人皇上真人安樂真人消災真人護命真人登北方法座玉臺真人金玄真人妙玄真人自在真人解脫真人洞玄真人救度真人洞神真人濟苦真人降魔真人登東方法座等照真人金景真人玉光真人光明真人國靜真人慈救真人慈照真人瓊華真人景玄真人明玄真人登東南方法法座明玄真人明上真人萬道真人景明真人景相真人明覺真人滿相真人景空真人景照真人明法真人登西南方法法座景妙真人景惠真人化生真人明梵真人應感真人等慈真人無相真人太玄真人萬壽真人太保真人登西北方法法座無畏真人等惠真人金輪真人玄上真人法輪真人靈寶真人

人度命真人等靜真人無垢真人玄明真人登上方法座等成真人等智真人等愛真人等玄真人無等真人轉輪真人玄通真人太妙真人九光真人普慈真人登下方法座皆著九色離羅之帳華錦飛裙戴飛雲翔鳳之冠躡盤龍珠玉之履凭回鸞紫玉之几執百寶龍文之拂各安座如也紫房童子並坐飛雲寶臺觀九光萬勝之華齊唱太上業報因緣經諸真演說微奧之義大不可思議功德一百日中靈音華宛諸天上帝淨空步虛持幢建節燒香散華奏萬種玄歌妙樂通滿虛空蔽天光明於是靜樂國王逍遙國王莊嚴國王自在國王勝上國王無量國王壽樂國王智德國王真寶國王香山國王淨香國王清淨國王無漏國王等各持金銀珠玉衣服卧具車馬童僕玩弄器用千億萬計同來供養散華燒香左繞三匝踞跪道前稽首禮拜臣等一十三王來到會前觀聽法音又善勝皇后寶香皇后金華皇后福集皇后玉山皇后真安皇后靜明皇后無染皇后靈通皇后

開明皇后勝因皇后妙香皇后最勝皇后各持香華幢蓋名衣上服不可稱計同來禮拜味餐法音又有諸國王子百千萬億各將飲食上妙華果金芝玉英巨億萬計以用供養觀聽法音復有諸妃后主及小王子數百萬人各將上妙衣服及以冠履寶瓶香几盤盃器物同到會中以用布施聽受法音復有大臣宰輔數百萬眾各將法食名果珍味諸寶器七香篋經帕寶香雜物同來供養願聽法音復有諸男女清信賢者各持香油名衣上服綾羅錦繡米穀豆麥牀卧几褥釵梳巾帕履蘇靴鞋銀釧等具同來布施願聽靈音有諸道士女冠各將香華緣身法服供養法具同來聽法布散諸天復有天男天女無鞅數眾旋繞法座燒香散華行道讚歎誦誦誦靈音復有玉童玉女燃九光香燈無量等眾繞座布列照耀光明元始以大神力變此會中所有法具內外明徹等一瑠璃清淨無染王及皇后并諸妃主大臣宰輔人民男女聽法之者皆同一相表裏開通齊悟道真俱入無為

南丹國土山川林木乃至鳥獸爰洎昆蟲皆悉平等獲大法音功德無量不可思議條歛之間諸天眾聖及諸來者各還本處寂爾皆空普濟曰今日天尊所說皆是元始神通威力非凡能及未審當來講說及諸功德其意云何

道君曰吾說以此者正欲為當來眾生啓福基也凡功德無窮大畧有九隨其分力各獲福田今為汝言宜須諦識一者造像二者寫經三者置觀四者度人五者建齋六者誦經七者持戒八者供養九者布施或建立殿堂經臺鐘閣門樓廊宇師房僕役常住莊田攝華燈燭鐘磬法具種種營修皆成功德無量無邊過去未來悉獲福利皆為微妙不可勝言然救濟危苦解禍消災講經功德最為第一所以者何而發眾生無量道性出諸智慧清淨六根悟解無為證真常道不生不滅永斷識因無去無來湛然空寂皆因此經得悟因悟成真以是義故先須講說若帝主國王皇后大臣宰輔公侯人民男女請諸道士及

以女冠所在發心立百高座講說三洞大乘經典燒香散華明燈照耀布施供養隨力所堪三日七日七七日夜百日不計時節能盡一部兩部乃至百千萬億部帙卷等最為利益不可思議普濟又問曰眾生劣弱不能備百止一座兩座乃至十座二十三十隨力所堪未審何如

道君曰吾向說十方世界數百座者正欲開悟眾生所以十方各一座甚有深意可止隨宜无始以一炁化生三才生天立地運用五行生成萬象布炁十方人生其內秉質養形悉因其化外資一氣內構五常表裏相因而立五德眾生結陰内外包羅十月出胎周回十氣氣運生化百節開張一一方中氣成十結一一結內皆有一神結習相因罪累纏縛和此百神故立百真而張百座故一一方內建十法座一一座上有一真人正為眾生解其纏結若眾生結解深悟道源言說亦無豈須講說如未悟之時要資百也猶若世間將如擊賊須召千兵及其散已一兵不用也



應感品第十七

道君曰昔專勝國王捨位出家入山學道十二年中大上真人下授與經法賜以神丹壽得三萬歲得成真人多寶國王常於宮中持經奉戒燒香禮誦十六年中東華真人常為說法教以延年壽七萬歲得成真人滿相皇后棄捨宮掖出家學道三十五年玄和玉女朝夕捧接賜其真經修行不息壽二萬歲入蓬萊山中今為真妃妙相皇后常誦此經戒至念在心二十八年金華玉女下授仙經一百年中因水劫化形轉身為男子更受經法萬百千年得為真人多喜王子出家學道誦念此經六十年中金光童子為送衣食壽香王子出家誦經五十七年天降神香不煩自馨又有大臣出家誦經八十九年鳳凰來降口吐靈音昔有男子居家誦經晝夜不倦四十三年庭前生蓮華中有百味香果飲食又有男子山中修道誦念真經六年之中龍王下降送其衣食又有女人入山學道誦念此經三年之後白虎來侍衛其經堂又有女子

居家誦經二十年中衣食自然又有道士山樓獨坐誦念此經九年之中兩鳳常侍左右為送香燈供給所須又有道士居家誦經二十三年天男下降給其衣食又有女冠入山修道誦念此經二十一年天女侍衛供給衣食又有國王持齋奉戒禮拜燒香三十三年長生真人賜其仙丹壽命無窮又有皇后持齋禮拜奉戒燒香五十年中青腰玉女迎入雲中又有王子持齋奉戒禮拜燒香七十三年金華童子下賜仙芝又有大臣持齋禮拜奉戒燒香十八年中靈龜負藥送至空前又有道士長齋奉戒禮拜燒香八十三年天王保舉升入雲中又有女冠長齋奉戒散華燒香一百一年五帝玉女迎入金華又有男子持齋禮拜燒香燃燈九十三年地祇侍衛又有女子持齋禮拜燒香散華九十八年三界司迎又有國王置觀度人寫經造像建諸功德十六年中五帝來降賜以金芝鳳凰鸞鶴麒麟奇獸甘露醴泉靈芝神草遍滿郊畿又有皇后廣行布施入諸靈觀出家法身齋戒

燒香幢幡寶蓋種種福田三年之中髮白反黑還如少童生諸貴子聰明智慧悉統王位仁者賢明又有賢者造諸法服奉上帝士出家法身八年之中五穀豐饒所向從心又有賢者常供齋食奉獻道士及以賢人六年之中衣食豐饒又有男女常將財物施入常住供養十方三寶二十四年五穀自生天蠶降素又有女子救濟貧乏放贖生命大行慈悲二十七年玉女迎將入於雲中又有女子供養出家法衣法食三十九年天賜黃金又有女子縫裁幡像出家法服齋戒供具不倦苦辛四十年中天降玉英又有賢者造鐘造磬送諸靈觀二十五年地出黃金年命長遠又有賢者常以五穀施諸常住作其芽藥十一年中衣食自饒又有賢者常於玄壇靈觀洗飾尊像修諸經教施香及華十七年中門戶興隆又有賢者布施手工抄寫經教十八年中聰明智慧子胤繁昌如此等輩羣陳要領以示將來若玄都金格感應之篇終劫說之亦不能究

福報品第十八

道君曰造像寫經者見世得尊勝過去生天王門身立觀度人者見世得豪貴過去生國王身行道誦念者見世善神保護過去生聰明身持齋禮拜者見世得安樂過去生富饒身奉戒燒香者見世諸天敬護過去生人中形容具足身布施經像者見世得昌熾過去生富貴身布施齋供者見世多衣食過去生端正身布施貧窮者見世無災厄過去生豪勝身不啖食衆生者見世無病苦過去生長命身不飲酒猖狂者見世神明保佑過去生忠貞身不食葷辛者見世得芳香過去生清淨身放贖生命者見世無枉橫過去生恭敬身供養出家者見世人敬仰過去生貴重身說法教化者見世人禮敬過去生出家身夫功德報應如響之應解形之對影大小清濁終不差也凡夫愚迷不識因緣宿命不信罪福吉凶不知此身從先身種福田中來不知此身暫生即滅不知此身總是浮假不知此身念無常祇恣慳貪殺生偷盜邪淫放蕩

嗟食衆生綺言妄語誹毀經教多聚資財常謂此生千年不死開眼作造罪業無數閉眼則入地獄輪迴終日造罪未曾懺悔不能發一念善心作過去見在未來受生之福自度己身種其芽孽惟念子孫愁其不活也且世人生悉瀆斷哭泣少時便自愛子孫男女詎憶父母養育之恩無始以來遞相傲習更無一悟幾許愚癡吾念汝輩愚相習不自覺故示罪福宿命因緣今出離苦惱愛欲河中而衆生流浪沉淪苦海此世界者名曰棄賢宛離天境亦曰雜報世界染欲愛天生墮其中暫生即滅暫聚即散如彼電光須臾頃耳不淨臭穢生老病死痛痒疥癩飢寒暑濕水火刀兵魔精鬼賊毒風惡注交相中害念念死亡曾不暫住苦惱幾何目前見事身自纏繞尚不覺知豈肯信有諸天道境福地神仙長生不死自在無為我觀世之受生促於蜉蝣世之安居迫於毫毛世之臭處甚於廁穢世之快樂何異糞蟲猶自不知常為惡業豈不苦哉

太上洞玄靈寶業報因緣經卷之七